

1. Tlhogwana ke bolwetse bo bolayang dinku fela.

0-1b

Ke gore ge bo tsena nku o tla bona e tlhakana tlhogo e ya kwa le kwa e se na maemo. Ge bo e tsena ga bo e tsee sebaka, le gona ga bo tsene nku e le ngwe fela, bo tla bolaya nku di le dintsi. Ke gona bo tla fetang le gona ga bo na ngaka e ka bo alafang. Ba bangwe ba re di kgaolwa ditsebe gore madi a tsona a tshologe. Gantsi-ntsi ga go thuse sepe, go ikemisa bona fela.

2. Seeme. Ke bolwetse bo bolayang dipodi e seng dinku bo itsege thata. Ge bo tsena podi o tla fitlhela e nnetse go lla fela e ntse e re mme! mme! Mme! motshegare otlhe le bosigo. Fela bona bo na le ba ba tleng ba bo alafe ge bo sekile ba ba tsietsa. Monna ya itseng go bo alafa ke Ramokako, o kgaola ditsebe tse gore madi a tswe, a be a tsya setlhare sa gagwe se a se itseng a se tshela mo metsing a nosa dipodi tse. Ke gona di tla sekeng di tsenwa ke bolwetse bo. Ge go sena motho yo bo itseng, seeme se fetsa dipodi motho a tswala lesaka o be o fitlhele e rete o na a sena dipodi, di swa ka bongata.

2. 3. Sabotlhokwe ke bolw tse bo bolayang dinku le dipodi bo di bolaya thata le bona nku gongwe podi e tswa metsi a matala ka dinko le mafulo a tletse le gano la yona. Ke gona o tla itseng gore e bolawa ke sabotlhokwe. Fela go na le batho ba bangwe ba ba itseng go bo alafa. Sabotlhokwe ga ntsi-ntsi o aisa go bolaya dipotsane le dikonyana tse di kgolo a ka tshokile a di bolaille ge di tsalwa motho o tshwanetse gore a batle motho ya ka alafang dipotsane tse gongwe dikonyana. Ge di alafilwe ga di ke di e swa thata, fa gongwe ga go swe epe.

4. Lebete. Ke bolwetse bo bo bolaya g dipodi dinku le dikgomo fela dipodi le dinku ga bo atise go di bolaya. Le gona mo dipodi le dinku ga go na motho ya ka bo alafang. Fela mo dikgomo go na le baba itseng go bo alafa. Ge o ka bona dipodi di bolawa ke lebete o itse gore di latswitse mmu wa fa nneng go buelwa kgomo e bolailweng ke lebete ke gona o tla bonang di e swa, e.g. dipodi tsa Masala di kile tsa swa ka lesaka ge Masala a batlisisa gore dipodi di kabe di tsere kae lebete, a fitlhela di ne di latswa mmu wa fa

neng ba buetse kgomo e bolsailweng ke lebeta. Kgomo gongwe podi ge e bolawa ke lebeta o tla di fitlhela e tshola madi ka dinko, maoto, a yona a tlhamaletse e sa fule, ke gona o tla batlang banna ba ba itseng go alafa lebeta. Banna ba ba alafang lebeta ba tsaya namanyana e seng ya sepe mo aethong se sengwe le se sengwe ba tlhakanya le ditlhare tse ba di itseng, ba di epela. Ke gore ge ba riana ba re ba epela bolwetse. Gore bo seke ba tlhe bo tla. Monna ya bo itseng ke Matlotle ke ene a neng a alafela batho le Raseise le ene o na a bo itse.

5. Tlhakwana ke bolwetse bobo bolayang dinku le dipodi fela ga bo bolue selo gore se swe. Selo se bola tlhako fela, kwa morago se be se fole. Tlhakwana e tshwara dilo le tlhafala ge pula di nna thata masaka a koloba thata seretse se sa ome, o tla bona fela selo se tlhotea ge o se tshwara o tla fitlhela se ne la ntho mo gare ga ditlhakwana ntho e ntshiwa ke bollo ba seretse sa mmutele le moroto ge o tlhakana lemetsi a pugla. Ga go batle gore pula di nna dilo di robale mo sakeng.

Di batla fela gore di nne kwa go omeletseng ke gona di tla se keng di bolawa ke tlhakwana ke gona ge o di alafa fela ge o di robatsa mo seretseng, tlhakwana e tla di tshwara. Batho ba jaanong ba setse ba itse ge pula di simolla di nna, ba latse dipodi le dinku kwa tsa ntle. Go fitlhela seretse se swaba mo sakeng. Ba itse gore jaanong ka ga tlhakwana go fedile.

6. Serotswana ke bolwetse bo bolayang dikgomo fela.

Ke bolwetse bo tshwenyang thata, le gona bo simolla dikgomo ka nako ya di kgakologa ge di ya go kopana le seleno. Ka kgwedi ya Diphallana (October) kgomo o tla bona e tshologa madi ka dinko ka tlhakane le lefulo. Ke gona o tla itseng gore ke sona serotswana. Serotswana se bolaya dinamane tsa mabotlana go isa tsa megatelwa (e years old) Se di bolaya thata.

Fela ~~se~~ go na le ba ba itseng go se alafa, ba se simolla se ise be se bolae go se alafa. Ge bo bolaele kgomo monna yo a tlleng go bo alafa, o tsa dinamanyana jaaka lebeta, fela jaanong fa o tsaya moswang wa yona a tlhakanya le ditlhare tsa gagwe a epela fa ba e buelang teng ba fisa ka mollo gore go se ke ga be ga nkgga sepe,

le dintshi gore di tshabele ruri. Motho ya itseng go bo alafa ke Maselane, ke ene ge serotswana se tsena dikgono a bidiwang. Le Phuthego wa bo itse.

7. Sebete. Ke bolwetse bo bo bolayang dinamane tsa mabotlana fela bona bona bo itsiwe ke motho o mongwe le o mongwe. Ge bo tsena namane o tla bona e simolla go phyega, ke gona o tla itseng gore sebete se tla e bolaya. Fela ga bo bolae dilo di le dintsi ka nako e lengwe. Fela le gona bo alafiwa ke mosimane o mongwe le o mongwe yo a ntseng kwa morakeng. Go na le seilnare se sengwe ke sebete, se ya epiwa se thugwe se futswelwe ka metsi motho a nose namane e tla fola. Ge namane di bolawa ke sebete, ke ge di sa gamiwe le gona di nna gela mo sakaneng, di sa tsamae le bo nmatso. Ke gore di anya mafyi a le mantsi ka nako enyane ge di tsamaya le bo nmatso ga di ke di bolawa ke sebete. Le ge di sa gamwe. Ke gore e nyanya letsatsi lo lotlhe, mmayo ga a bone sebaka sa go ka sisa thata. Jaalo ge name e kgona go ka fokotsa mafyi ka nako e ngwe le engwe.